

壽櫟廬儀禮大固禮器圖

儀禮喪服禮器圖第二

壽櫟廬叢書之二

名山吳之英誤

士昏禮圖

昏嘉禮也大宗伯以嘉禮親萬民以昏冠之禮親成男女在其次陽求育于陰故男取陰有承于陽故女歸初昏而陳燭而迎故曰昏陽降陰男下女之義始于納采繼以問名納吉納徵請期至親迎而六女至牢而共食席而別寢夙興摯舅姑既見而盥饋餼焉舅姑共饗之若舅姑歿入三月釋菜于廟謂之成婦

春官司几筵掌五几有玉彫彤漆素之名吉禮有几特牲祝筵几少牢祝設几有司徹主人親投尸几凶禮有几士虞用

几面謂之

校鄭玄以

校為足非


几

也易噬嗑

之上云何

校滅耳非

何足可知



漆之刊足

素几亦假用吉几士喪綴足用

燕几賓禮有几覲禮天子左右

几聘禮廟中先設几禮賓時公

親授賓几軍禮有几司几筵甸

役設漆几嘉禮有几公食大夫

加席几昏禮右几凡吉凶賓軍嘉諸侯以下皆一几生人左

几鬼神右几惟天子備左右焉玉几天子所專諸侯蓋自彫

几而下阮譔舊圖云長五尺高尺二寸廣二尺兩端赤漆中

夫喪用綴足以正尸足五尺之廣則嫌開張馬融謂長三尺

蓋有本矣且授受維宜拂橫故易二尺之廣嫌濶尺二寸足


以坐矣高尺二寸又大高夫六尺六寸之車伏兔不過七寸

而以尺二寸之几臨之升降爲難婦乘以几義豈然耶意几高不過五寸足股支以木于授受宜于坐宜于藉乘又宜形爲丹几在漆几上五几之第三王筵國賓所用赤端嫌襍形惟漆几在彤素間彤尊而素凶則漆几純黑禮事所通用也几面謂之校既夕記綴足用燕几校在南鄭玄以校爲足非也易噬嗑之上云何校滅耳非何足可知且足南面北不

能綴明矣

玄水色纁火色各爲兩間之束  
 五兩玄三纁二火水妃也言玄  
 纁重納徵如冠禮酬賓但言束  
 帛則不必玄纁

帛束纁玄



巾 豆



說文云巾佩巾從巾一象繫也  
佩有巾內則云左佩紛帨紛卽  
韜帨卽帥也盥有巾內則云盥  
卒授巾浴有巾士喪浴巾二用  
紵覆物有巾此云豆巾與士喪  
記凡簠豆實具設皆巾之是也喪用禪布餘用複特性記謂  
簠巾以紵也纁裏此記亦云覆笄緇被纁裏加于橋皆巾屬  
也方言云幪巾也大巾謂之帟高嶽之南陳穎之間謂之帟  
亦謂之幪

明堂位記云有虞氏之兩敦夏后氏之四璫殷之六瑚周之  
八簋鄭玄云皆黍稷器制之異同未聞爾雅釋器云瓦豆謂

敦



敦

之登登敦登近釋器

既屬木豆竹豆下則

亦豆也以瓦異名蓋

古質用瓦後人飾用

璉用瑚差加二數耳

詩大雅云于豆于登知皆以盛黍稷後以豆盛醢登盛清制

小其制故公食大夫禮云大羹清不和實于鐙而盛黍稷以

簋盛稻粱以簋特牲少牢無大羹清故無鐙而牲清盛于銅


盛黍稷以敦蓋吉禮與嘉禮有閒矣因鐙爲盛清制小而質

乃大其制博其飾以盛黍稷易名曰敦實一物也天官玉府

云若合諸侯則共珠槃玉敦少牢主婦自東房執一金敦黍

鄭眾謂王敦以玉爲之但珠槃不當以珠爲之則敦之有玉有金宜爲盡飾也土喪者潘用廢敦無足之敦朔月奠用瓦敦仍質也特牲佐食啟會卻于敦南敦有會少牢主婦設敦敦皆南首敦有首首卽面明堂位記云周獻豆蓋刻犬若虎文于敦面土喪徹朔奠敢會而足敦有足足蓋三少牢有上敦之號餘以數舉敦有次今據豆圖敦以存古謹據獻豆圖

敦以見周法



爨

瓦石合土以承釜鏝曰爨說文云齊謂之炊爨曰象持甌口爲竈口并推林內火籀文作爨詩小雅執爨踣踣傳云養爨而爨


也天官亨人職內外饗之饗亨者煮毛傳所謂饗饗卽亨人所謂外饗所謂罔饗卽內饗蓋亨牲在饗饗亨米在罔饗士虞魚腊饗在廟門外右東面饗饗在東壁凶也特牲主婦視饗饗于西堂下吉也少牢饗饗在門東南北上罔饗在饗饗之北純吉也此云大羹清在饗在寢門外饗饗北可知特牲記云尸卒食而祭饗饗饗饗鄭玄引舊說云宗婦祭饗饗亨者祭饗饗用黍肉饗卽竈方語異春官大祝掌六祈二曰造故書作竈月令記孟夏其祀竈祭法記王爲羣姓立七祀末曰竈又云庶士庶人立一祀或立戶或立竈莊子達生篇竈有髻謂竈神淮南子記論訓炎帝作火官死而爲竈神蔡雖獨斷云夏爲大陽其氣長養祀之于竈祀竈之禮在廟門外之



東先席于門奧西東設主于竈經說文云炊竈也釋名云竈

造也創造飲食也

# 綌 綌



天官冪人掌共巾冪祭祀以疏布巾冪八尊以画布巾冪六彝凡王巾皆黼冪即巾言巾又言冪兼有覆詛王巾皆黼餘不黼鄉飲酒記尊綌冪賓至徹之凡

尊冪皆以賓至爲徹節爲將酌詩周南爲綌爲綌傳云精曰綌麤曰綌曲禮記云爲天子削瓜者副之巾以綌爲國君華之巾以綌說文綌麤葛

說文云𦘔身有所承也從己丞讀若詩云赤舄己己蓋以會

合 登




器用陶匏郊乃尙質嘉禮故不質果兩登經宜云四爵兩登  
今云合登知登爲一物合乃嘉名標登固以合爲兩也意登  
制亦畧如爵口撮受酌下有三足面有文以別左右左右有  
流主人酌飲左婦酌飲右故經云三酌用登亦如之亦如初  
酌再酌用爵之儀終酌乃用登者以合登成禮事昏義記云  
共牢而食合登而酌所以合體同尊卑以親之凡飲食之禮  
賓主別筵異牢惟昏共筵共牢牢稱共止一牢則登稱合止

一登如鄭說四爵兩登夫婦各三醕則登之醕與爵之醕何殊合爵而醕可矣何必登也且賓主醕事皆可謂合爵矣夫易爵不可謂合爵易登獨可謂合登乎婦始至媵御沃盥交鄭以爲夫婦始接情有廉恥媵御交道其志則初醕再醕用爵易爵三醕用登不易贊之交道不有漸耶然則合登特爲昏制以各有流故不于醕時言不易登而先正其名曰合登

無取匏也

纁裳緇袍




經云主人爵弁纁裳緇袍鄭玄謂大夫以上冕服親迎爵弁纁裳玄冕之次纁裳者緇衣不言衣與帶言袍空其文明與袍俱

用緇袍謂緣袍之言施以緇緣裳象陽氣下施蓋謂纁裳必  
 玄衣象水火交濟玄青黑而纁紫赤玄衣則緇帶緇近黑也  
 說文無袍當作袍袍下云裾也據論語朝服袍紳蓋引申爲  
 重加之名緇袍爲緣裳帛色特爲昏制言纁裳見衣色見衣

色見帶色

上有蓋建  
 木柄于後橫

墨車



攷工記車有六等察車始輪兵  
 車之輪六尺有六寸田車之輪  
 六尺有三寸乘車之輪六尺有  
 六寸六尺有六寸之輪軹崇三  
 尺有三寸加軹與轂四尺人長  
 八尺登下以爲節鄭玄謂兵車

革路田車木路乘車玉路金路象路軹轂末軫輿也鄭眾謂  
軹伏兔也英謂軹較間也軫輿後橫木也輿外兩旁有輪輪  
人記云參分轂長二在外一在內以置其輻謂綆當賢爲內  
其實當輻處在外之軹迫事也又云量鑿深以爲輻廣輈人  
記云輪輻三十以象日月老子云三十輻共一轂則輪中輻  
也輪人記又云竝輻廣以爲弱鄭玄謂竝度也弱舊也蓋參  
分輻長而殺其一如入轂空一寸入牙一寸餘有三尺則殺  
一尺又云參分股圍去一以爲散圍如股圍六寸則散圍四  
寸蓋蚤牙得則無桢而固舊與輻亦必相得也輻中起綆內  
迫而散衰鄉外輪乃堅記云六尺六寸之輪綆三分寸之二  
言高六分在內也又云梓其圍之漆內中誦之以爲轂長鄭

眾謂梓者度兩漆間之相距也蓋牙圍六分輪之一六尺六寸之輪牙圍尺一寸三分牙圍漆其二則漆者七寸三分寸之一近地不漆除二寸則漆內徑六尺四寸中誦之得三尺二寸爲轂長數又云以其長爲之圍據徑一圍三則轂圍一尺三分寸之二又云以其圍之扞捎其轂鄭眾謂轂爲轂空壺中處鄭玄謂捎除也扞三分之一也英謂捎掘治也謂轂孔受輻菑處捎三分之一則轂肉有二分不嫌薄也又云五分轂長去一爲賢去三爲軹鄭眾以大穿爲賢小穿爲軹鄭玄以大小穿皆謂金厚一寸以經誤以去二爲去一云大穿徑八寸十五分寸之八小穿徑四寸十五分寸之四大穿甚大不稱去二得六寸五分寸之二則大穿徑四寸五分寸之

二小穿穿內徑二寸十五分寸之四乃輿數稱英謂記云分轂長如三尺二寸之轂去六寸四分爲賢賢得二尺五寸六分軹得尺二寸四分輻菑亦不嫌相切靡也記云容轂必直謂伏定背銜轂處鄭玄謂形容非也又云陳篆必正謂以絲束之如篆形又云施膠必厚施筋必數數急也又云幘必負幹謂革傅木宜堅則轂制兼五法也

車中容人處爲輿輿后橫木爲軫輿人記謂參分車廣去一以爲隧以隧之半爲較崇六分較崇以一爲軫圍鄭眾謂隧爲車輿深鄭玄謂較爲兩轎上出式者兵車自較而下五尺五寸蓋合伏兔下七寸爲六尺二寸也又參分較圍去一以爲軹鄭玄謂軹之植者與轂末同名又參分軹圍去一以爲

輶園鄭玄謂輶爲式之植者衡者以嚮人爲名又參分其隧一在前二在後以揉其式式車前木有所敬當馮之一前二後式與輿相較之深度又以其廣之半爲式崇如兵車六尺六寸則式三尺三寸蓋隧去車廣之一深四尺四寸較上出一尺一寸人猶見半身焉輿下有木名任正輶人記云任正者十分輶長以其一爲之闔言輿與此從木又云衡任者五分輶長以其一爲之闔言任正下橫木有伏兔焉脊平以承任正腹爲半壁形以約轂然則伏兔雖七寸任正下猶三尺有奇鄭玄謂任正以三面材持車正是已蓋輿屬之較屬之矣惟以任正爲輶衡則失之矣

輿前有輶輶人記云軌前十尺鄭眾謂軌爲式記又云國馬



之轡深四尺七寸國馬鄭玄以爲種馬戎馬齊馬道馬皆高八尺兵車乘車轡崇三尺三寸加軫與轆七寸又加轡深爲八尺七寸除馬之高餘七寸在衡頸間田馬轡深四尺田車轡崇三尺一寸半田馬七尺宜也驚馬轡深三尺三寸輪軾軫轡亦減寸半轡崇三尺軾轆四寸并轡深衡高六尺七寸驚馬六尺衡頸間亦七寸猶田車軾轆五寸半加軾崇軾轆轡深衡頸亦七寸意轡之言深謂入輿下之度鄭訓爲高未必然也又云軾前十尺而策半之謂轡外出之長度則所謂國馬田馬驚馬三等卽以三等轡深見輿度之深耳又云五分軾間以一爲軾圍十分轡長以一爲當兔之圍三分兔圍去一以爲頸圍五分頸圍去一以爲踵圍鄭玄謂軾圍一尺

三寸五分寸之一與衡任應當免轡圍尺四寸五分寸之二與任正應持衡之頸圍九寸十五分寸之九承軫轡踵圍七寸七十五分寸之五十一英謂軸圍當軸轡圍鄭直謂軸失之鄭皆據國馬爲筭者猶之據兵車度說車也

車上無蔽別爲覆物謂之蓋輪人爲蓋蓋車一事也約其制則蓋柄謂之達常圍三寸所以承達常之杠謂之程長四尺廣倍達常蓋斗謂之部長二尺亦廣六寸部顛謂之部尊部尊一枚十分寸之一謂之枚支部之椽謂之弓轡人記云蓋弓二十有八以象星也弓邊謂之宇宇卑吐水疾而雷遠蓋崇十尺宇邊褰卑輪之紘之衣而冒之圍而四垂之則蓋制全矣建旌旒者不施蓋也

車制最繁相襍難記今爲約其說曰車爲大名與居其中輿之下氏曰軫左右前有木周曰陰輿柱之上出者曰較兩旁格木如函者曰軹前有橫木可馮者曰式承式下之木曰轡轡外繫環以約轡者曰輹輹輿氏之下有木承輿者曰任正任正後有橫木曰軫亦謂之收軫上有繩可以引升曰綬蓋杠亦樹軫焉承任正者曰兔兔曰輹亦謂之輹任正下兔之所伏抱者曰軸軸出輿兩旁謂之輹輹亦謂之輹輹裏以金謂之賢輹末謂之軹亦謂之車綰以金謂之牽車內空壺受輹者曰藪圓圈抱輹者曰輪輪外踰地者曰牙輪中支木曰輹輹中隆起曰輹近輹謂之股近牙謂之較股末入藪者謂之藪藪謂之弱較末入牙者謂之蚤蚤爪也輿前從出之木

謂之勒勒曲入輿下當軫謂之踵穹起與前持衡謂之頸支  
木朝間當馬頸謂之衡衡謂之梁衡下駕馬謂之服在旁助  
服之馬謂之駟所以止駟入之繩曰脅驅禁駟出而貫服背  
者曰游環游環亦曰靳駟轡內曰軔外在環馭之服轡皆綜  
于御焉此車之大畧也男子立乘有蓋焉蔽其上婦人坐乘  
圍之如裳四旁障焉故曰襜褕

春官巾車掌公車之政令王五路玉路金路象路革路木路  
后五路重翟厭翟安車翟車輦車王五喪車木車素車藻車  
駟車漆車服車五乘孤乘夏篆卿乘夏綬大夫乘墨車士乘  
棧車庶人乘役車鄭眾謂篆讀如主珠之珠夏篆轂有約鄭  
玄謂夏篆五采圓轂約夏綬亦五采圓無珠墨車不圓棧車

不革鞅而漆之役車方箱可載任器以供役又大喪共遣車  
小喪共柩路帷良車散車不在等者其用無常蓋王車自金  
路以下可賜諸侯覲禮所謂偏駕則諸侯夫人自厭翟以下  
亦得如后喪車則通用矣故自孤言沒諸侯文也墨車不畫  
革而漆故曰墨名其色也土昏而乘墨車時或受賜或大夫  
之子得同大夫故舉其盛者言之

燭



膠膏竹木然之謂之燭無膏謂  
之燋鄭玄謂在地曰燎執之曰  
燭然燕禮爲燭于大門外曰爲  
則不執可知是不執亦名燭矣月令其郊廟百祀之薪燎秋  
官司烜氏共祭祀之明盥明燭說文云庭燎大燭則燭燎一

也燎下云放火標燎大于燭蓋燎以薪燭以蒸皆沃膏不易

熄者

爾雅釋器衣蔽前謂之襜褕即


襜蓋婦車有蔽猶衣之有韠女

以專一爲德主內治不當與外

事古人送女自爲具車宜五年

左氏傳云齊高固及子叔姬來


襜



反馬也蓋禮得反馬矣言襜則四帷之可知蓋用布四幅離而聯之左右幅約四尺前後幅約二尺五寸後幅中開升則紐之

天官追師掌王后之首服爲副編次追衡笄鄭眾以副爲首

次



舉次則首飾見焉英謂副者婦人之冠其尊降于男子之冠  
故曰副猶裨冕也其制蓋用布氏以帛傅而裹之外玄內纁  
武飾以金爲龍螭交銜形編者以生絲爲冒冒髮與髻將副  
則先加之結于髻後次者副之貳制殺于副追繩也小綵貫  
珠間以五采綬十二珠屬武上環如冕之有游玉蓋亦疏列


服鄭玄以爲首飾若今步搖編  
列髮若今假紒服以桑次次髮  
所謂髮髻燕居亦纚笄總而已  
追治祭服有衡垂副旁當耳下  
紉懸瑱笄卷髮器后衡笄皆用  
玉婦人先言次猶男子先舉冠

十二矣就數珠數公夫人以下以九爲差餘祇命數因追辨等故官以爲名如鄭說旣言爲又傳追辭則贅矣衡者以金玉爲華橫加副約三成成如追數以橫稱衡懸璫自名充耳雖屬副武不得以訓衡也笄則玉笄謂貫副次之笄猶男子冠笄士之婦但有次次于弁猶稱副然自大夫內子以上次有追故追師追衡在次下士無冠婦次亦用衡三成各三不用追也飾首先編編在副下者副有編次無編間文爲別無編者先以纚束髮鄭玄謂以髮爲髮髻甚乃云或剪賤者刑者髮旣傷仁恩又辱尊者非禮體也

純謂之繅嫁時之盛服詩鄭風所謂褰衣褰裳婦人不殊裳也旣不殊裳領當褰右前後幅交處紐之中幅開見爲褻男



純衣纁衽 纁 宵 衣




子之裳猶不中開可知也博純  
曰衽用纁取火色火水妃也詩  
云衣裳皆用錦則皆絲可知鄭  
玄謂純衣絲衣是也許慎以纁  
卽褻衣裳亦是也

士冠用緇纁此不言色姆女師  
不爲飾蓋亦緇與宵衣色稱  
宵衣玄帛衣婦人衣皆有純蓋  
純以素鄭玄謂以緇爲領因名  
非也特牲主婦佐祭亦纁笄宵  
衣蓋玄衣玄裳素純喪大記云


士之妻以稅衣蓋卽宵衣下云女從者畢袷玄因宵衣之玄

而綜言之也

# 玄 袷



# 黼 黻



當領處開經之

昏之女從者畢袷玄猶冠之兄  
弟畢袷玄袷均也猶言盡玄以  
衣裳純皆緇布猶男子玄端玄  
裳

緇絲文白黑相次爲黼既云袷  
玄衣裳見矣又云被黼黻知加  
于衣鄭玄引詩素衣朱襖又引  
爾雅黼黻謂之襖以爲大夫妻  
刺繡爲領如今偃領士妻始嫁

施禪黼假盛飾此誤詩與爾雅意非也夫言被則傳于上可知  
類黼加于領外裁爲圓形四離而疏結之銳其端前後各  
一兩肩各一有表有裏織爲斧文四隅皆有小帶外垂爲飾  
從者被女不被可知女侍專服非僭也若繡黼于領則飾領  
爲文不當據以說類黼


綏



麗軫持以升車之繩曰綏說文  
云車中把也壻授綏謙也姆辭  
不受代婦辭尊壻也論語云升  
車必正立執綏曲禮云凡僕人之禮必授人綏若僕者降等  
則受不然則否

讀如攷工匠人記眠以景之景謂大鑒矧有教女之道不敢

以經實鼻為經  
結之于領細問



景制如明衣加之為行道禦塵婦車有綵婦佩有衿何事明

衣禦塵景有明義無衣義


經云腰布席于奧夫入于室即

席謂夫坐食之席西席東面也


經不言質記亦未及蓋如士冠

用蒲筵

席




匕



說文云匕從反人相與比  
叙也取義名器蓋以堅木  
爲之有刻飾焉用以取食  
柶之大者祿記云柶以桑  
長三尺喪事用桑取其聲也  
特性記云棘心匕刻棘心赤  
取  
中有堅赤之誠心吉匕皆刻  
刻皆在柄


對席



婦坐食之席以對夫席爲稱畢  
設而后御設對席辟設也贊啟  
敦會卻之而后揖婦卽對筵辟  
啟也筵席一耳質亦當用蒲

說文云衽衣衽也衽裳之複也席而名衽蓋重純其邊中編

衽 良 席 枕



草者少耳夏用竹簟重純之爲  
衽冬以布包之亦名衽婦人用  
器飾多于男故與良席異稱  
良善也卧席之善工作精巧重  
昏事美其名鄭玄以婦稱夫曰  
良以良席爲夫席然則衽何以  
不曰婦席也

枕卧具木質橢長兩端方中曲  
鑿之衣以布詩唐風角枕粲兮  
可用角也內則記凡內外雞初  
鳴咸盥漱衣服斂枕簟又云父

傳禮記集說卷一百一十五  
母舅姑之衣衾簞席枕几不傳說文云卧以薦首者釋名云

檢也所以檢項也

纓




鄭玄云許嫁著纓明有繫也蓋  
五采爲之其制未聞據曲禮記  
云女子許嫁纓而內則記云男  
女未冠笄者衿纓婦事舅姑右

佩衿纓又云妾年未滿五十與五日之御者亦衿纓鄭訓衿  
爲結非也衿複布衿後記云施衿結帨又云視諸衿鞶皆爲  
二物辭知衿與纓同佩但女未笄佩總事舅姑及與御亦佩  
纓曷言乎許嫁纓也蓋未笄繫父母穀梁隱二年傳云婦人  
在家制于父在家蓋佩絞纓旣許嫁不可言繫父母又不得

繫天當佩散絲之纓既昏當復佩絞纓穀梁宣九年傳亦云  
既嫁制于夫與隱二年同繫于夫後則終佩絞纓矣纓佩在  
帶言說纓則衣結亦說可知纓上有絲結于帶中有結以屬  
纓下垂不過尺五寸與佩巾齊

# 筭




鄭玄云竹器而衣者其形如今  
之筭筭簠矣鄭說經每引漢制  
漢制不可知也記云筭緇被緇  
裏加于橋則筭有橋復有衣意  
筭當爲方形大小如籍說文云  
飯筭受五升曰籍秦人語又陳留謂飯帚曰籍宋魏謂箸筭  
曰籍籍同籍皆飯器實五升筭上兩端橫編大筴曰橋以便



提攜說文云橋水梁取由此達彼上乘下空之義鄭玄謂橋所以版筭其制未聞後人推版筭之意以漢法步案圖之云高五尺下跗午貫筭橋離授受贅非事情也

東錦

橋



緇被縹裏



東與帛同說文云錦襄色

織文

緇被縹裏複巾也覆筭爲文加于橋欲兼覆兩端筭無蓋也授受執橋并執巾

中平端曲下殺以竹爲之下端編入筭氏橫竹處孔而楔之如水梁之架空也

衿



複布爲之猶衾之有表裏故曰衿廣兩幅長度約三尺結于衣紐用以蔽衣前鄭玄無注內則記衿纓注云結也記言佩事多屬讀有似也然此記云施衿結衽施對結爲文衿不與衽相比耶


帨



帨絲巾禪帛爲之說文作帥云佩巾也或作帨

鄭玄云盤輦囊不言其用內則記云右佩箴管線續施繫袂鄭云繫袂言施明爲箴管線續有之記又云男盤革女盤絲鄭云以盛帨巾蓋與男並言知不可以盛箴管線續故變其

鞶



說實者非也夫帨巾常用何取  
 于盛箴管線纈果在鞶當曰佩  
 繫盛某某既目舉之知繫與眾  
 物皆在佩箴管線纈雖有盛當  
 目物乃見物耳蓋繫為小囊容臭辟邪袂猶結鞶有纈結也  
 言施者為飾之物示別于用物猶纓言衿屨言綦也說文無  
 繫訓鞶為大帶亦引鞶革鞶絲夫革絲之分剛柔之義耳豈  
 有大帶而記目于諸佩物下者乎然則庶母施鞶亦容臭囊  
 也

儀禮喪固禮器圖第二終

壽櫟廬第三子

吳鉉再校

弟子

傅守中校勘

儀禮喪服圖第三

壽櫟廬叢書之二


名山吳之英謨

士相見禮圖

相見賓禮也大宗伯以賓禮親邦國春見曰朝夏見曰宗秋見曰覲冬見曰遇時見曰會殷見曰同時聘曰問殷類曰視問稱聘視稱類餘皆稱見來見則賓之故爲偏名見稱摯假物以將意也廣論相見兼及大夫終執玉直玆天子諸侯因首言士以士爲目

經云下大夫相見以雁鄭玄謂取知時飛翔有行列經又云飾之以布蓋包雁身見頭尾又云維之以索蓋由足維之並布縛之至背結之宜提攜又云如執雉兼標執雉禮蓋亦左

維布雁



維布羔



頭奉之

經云上大夫相見以羔鄭玄謂取其從帥羣而不黨經又云飾之以布四維之結于面蓋羔大從者奉之不必提攜又云如犛執之兼見有犛犛法鄭玄以秋獻犛有成禮故如之是也云或曰犛孤之犛非也禽爲臣犛唯孤無文故鄭疑之然孤不執犛或藩國舊有犛犛禮耳秋官大行人云九州之外謂之藩國世一見各以其所貴寶爲犛

雖有本爵當執之玉許夷狄者不一而足若內諸侯以方物  
爲庭實稱獻不稱摯矣大宗伯云以禽作六摯以等諸侯孤  
摯皮帛卿執羔大夫雁士雉庶人鷩工商雉曲禮記言摯亦  
云卿羔大夫雁士雉庶人匹童子委摯而退野外軍中無摯  
以纓拾矢可也俱無摯擗節執之蓋右執後足左執前足亦  
左頭與

### 玉四十九圖

經云執玉者則惟舒武舉前曳踵因言執幣之容及之實廣  
言執禮而約其文但執以將禮之玉多矣大宗伯作六瑞以  
等邦國典瑞掌玉瑞玉器之藏攷工記玉人所治皆瑞玉有  
禮事焉今據所常執者次之大圭鎮圭冒桓圭信圭躬圭穀

璧蒲璧蒼璧黃琮青圭赤璋白琥玄璜球玉笏穀圭琬圭琰圭土圭珍圭大琮大璋巡狩大璋巡狩中璋巡狩邊璋裸圭牙璋軍旅兵守中璋琰圭琬琰琮琰琮四圭有邸兩圭有邸圭璧璧琮璋邸射度璧天子駟琮宗后駟琮駟渠眉璜飯玉含玉贈玉其爲四十九圖餘若珩環玦之等用爲佩者不圖雖大夫待放有賜環則還賜玦則決之舊說但寄佩物爲約以示意則奉使者無取舒武曳踵之節也用爲飾者不圖凡吉事用器率有飾焉由凋刻而飾以骨矣由白金黃金而象而玉矣與純玉殊不當在執玉之列有雖可知而執時非以將禮者不圖如玉人所謂案者雖有執時隸之役非將禮

者所有事且亦存飾玉中矣故畧此類而約圖之度璧以下十二圖雖執時不必爲容而執者不敢不慎也



春官典瑞云王晉大圭鄭眾謂晉當讀爲搢紳之搢插紳帶間若帶劍然又云執鎮圭以朝日

則大圭但搢不執攷工玉人記云大圭長三尺扚上終葵首天子服之終葵合音爲椎謂首如椎鄭玄謂扚綱也引相玉書曰琕玉六寸明自炤六寸蓋言廣玉藻記云天子搢琕方正于天下也玉人記又云天子圭中必鄭玄謂必讀如鹿車繹之繹謂以組約中央備失墜夫大圭言晉椎首可繫矣餘圭當執之而乃組繫以黜純物謂備失墜不嫌童稚事耶英



謂必者分別意中有微蘖一莖隆起自氏至首以必分左右  
標生人用器與喪器甕渠眉反耳

圭 鎮



春官典瑞云王晉大圭執鎮圭  
以朝日玉人記云鎮圭尺有二  
寸天子守之不言其制惟大圭

言抒上終葵首知鎮圭不抒上終葵首玉藻記言珽方正下  
言諸侯荼前謂後直讓于天子珽言摺發珽即大圭而兼及  
諸侯則統明圭制知鎮圭固方正無讓也玉人記云天子圭  
中必不分大圭鎮圭則皆中必可知鎮圭也玉璽續密兼有  
博厭誼詩大雅錫爾介圭爾雅圭尺二寸謂之介詩言以錫  
諸侯蓋即命圭而大其制實非鎮圭鄭玄以鎮圭爲瑑四鎮

之山因名夫天子常用之寶質則愈尊琢自有制何可穰耶


冒



玉人記云天子執冒四寸以朝諸侯尚書顧命云乃受同冒伏生大傳云古者圭必有冒言下

之必有冒不敢專達也天子執冒以朝諸侯見則覆之冒圭者天子所以與諸侯爲瑞也冒似犁冠犁冠漢俗蓋冒形如冠氏中缺

圭 桓



大宗伯云公執桓圭典瑞文同玉人記云命圭九寸謂之桓圭公守之鄭玄謂雙植謂之桓宮

室之象說義未章說文云桓亭郵表也古文作獄獄下云桓

圭公所執許慎習古文故引經多古文矣蓋圭兩旁作牙如表木然故曰桓辟天子不敢中必也禘記贊大行云圭公九寸侯伯七寸子男五寸博三寸厚半寸剡上左右各寸半玉也藻三采六等自公言之明桓信躬三圭之博厚剡同矣子男執璧言圭者舉多者爲事例實以五寸爲璧度鄭玄以爲贊者失之非也

信圭



大宗伯云侯執信圭典瑞文同玉人記云命圭七寸謂之信圭侯守之鄭玄謂信當爲身聲同

之誤身圭躬圭皆象人形爲瑑飾夫身圭爲身躬又爲身何以瑑也且三圭尊不當瑑意信者伸也古以爲屈信字蓋旁

爲四牙飾多于桓爲降較躬圭則牙直故以信名耳

# 圭 躬




圭五寸當爲七寸文闕亂耳蓋五寸者璧杜說與襍記贊大  
行人合是也鄭玄謂躬圭如信圭琢人形夫古人制器罕爲  
人形作俑無後孔子所譏豐侯荒酒示戒名豐亦不設象遠  
取諸物皆有義焉匪徒華矣蓋躬文從弓弓本不直意取鞠躬  
身降于信圭故形詘爾旁亦四牙牙從圭屈

大宗伯云子執穀璧典瑞文同玉人記不言子守穀璧鄭玄  
以爲文闕是也爾雅釋器云肉倍好謂之璧肉邊好孔謂外

穀璧

玉大如穀




遵倍中孔說文云璧瑞玉圓也  
鄭玄云琢以穀養人之義然玉  
為重器其質自勝不假外華故  
諸玉雖有刻工無象形者即琢

玉亦不言象草木也穀蓋玉質有聚粟形色微黃者據襍記  
贊大行文則徑五寸

蒲璧

玉大如蒲





大宗伯云男執蒲璧典瑞文同  
玉人記無男守蒲璧文有闕也  
鄭玄云琢璧以蒲取安人之義  
英謂名蒲者玉質有下博上銳

文色微青據襍記贊大行文與子同五寸

璋 青

琮 黃

璧 蒼





大宗伯云以玉作六器以禮天地四方首云以蒼璧禮天蓋祝時以薦于席璧圓象天色亦象之

大宗伯六禮玉次曰以黃琮禮地禮天璧圓則琮方象地蓋其形四正爲大方四隅爲小方象地有八方色從中央土

大宗伯六禮玉三曰以青圭禮東方圭形上殺象物生有芒角用青取東方木色

赤璋 白琥



大宗伯六禮玉四曰以赤璋禮南方鄭玄謂半圭曰璋說文亦云蓋舊義也壯火食氣故夏氣半春氣赤火色

西方鄭玄謂虎猛象秋嚴舊圖據作伏虎形云高三寸長九寸廣五寸因相沿圖之但六玉無

以飾名者知皆本質無飾者也琥蓋半琮耳禮地用琮西方于五行爲金土之所生故半之猶前南方赤璋之半青圭後北方玄璜之半蒼璧六玉三完三半禮之所宜其形蓋五方


上方一正兩隅完左右方半無取虎形也

璜 玄



之氣水最弱乾陽元氣初生即寄于水一陽幽于陰中故位北象冬氣得蒼壁之半而其色玄

球 玉 笏



竹本象可也球美玉象骨下天子亦純魚須魚口豪下諸侯猶通文之本象執處用象骨餘皆竹下大夫又云笏度二尺

春官宗伯典瑞攷工玉人記俱

無文玉藻記云笏天子以球玉

諸侯以象大夫以魚須文竹士



有六寸其中博三寸其殺六分而去一質既有等則同度無嫌然天子猶不殺也蓋笏者天子諸侯與圭代用大夫士特用之玉藻記言珽制云天子方正于天下諸侯前詘後直讓天子大夫前詘後詘無所不讓大夫無珽固卽通笏言之不言士同大夫蓋天子燕見羣臣諸侯燕見天子不秉圭但執笏玉藻記云將適公所史進象笏書思對命指畫于君前用之造受君命書之言象笏據士本象實則大夫士朝夕于君皆必用也內則記又云子事父母搢笏玉藻記又云入廟說笏非禮士喪斂尸有竹笏用之君父鬼神之前以至于死無說笏大夫士特用則博用矣說文作𢬿云出氣詞從日象出氣形引春秋左氏傳鄭太子忽又籀文作𢬿云一曰佩也象

形


圭 穀



英謂玉質自然亦如穀璧滿壁不假飾名也

春官典瑞云穀圭以和難以聘女玉人記云穀圭七寸天子以聘女鄭玄謂穀善也飾若粟文


圭 琬



典瑞云琬圭以治德結好玉人記云琬圭九寸而藻以象德鄭眾謂琬圭無鋒芒蓋對琰圭爲

義鄭玄謂琬猶圓亦成先鄭之義英謂宛者中曲之名曲兩旁而上剡下正如故象中心宛結故以治德結好說文云圭有琬者則琬爲圭儀也


圭 琰



典瑞云琰圭以易行除慝玉人  
記云琰圭九寸判規以除慝以  
易行鄭眾謂刻圭有鋒芒鄭玄

謂凡圭刻上半寸刻圭半以上又半爲琰飾刻半以上猶可  
半爲琰飾非也記言判規者圭後兩稜圓而上前兩稜銳之  
故舉前兩稜爲名而又申言判規見後自半圓也取棄舊從  
新已成者人皆見之當求後之圓成無玷故以易行除慝

圭 珍




典瑞云珍圭以徵守以卹凶  
荒玉人記無文鄭玄謂亦王  
使瑞節大小與琬琰同制夫

制同琬琰何用名珍意珍從彡說文云稠髮也彡從彡說文


云毛飾畫文也蓋玉質有如毛髮文起者微守凶荒皆急事  
取輕急如飛意長度當如琬琰

圭土



致日度日景至否夏至景尺五寸冬至景丈有三尺土地度  
地封諸侯以日景長短定分域英謂其制蓋橫刻之宜于識

琮大




玉人記云大琮十有二寸射四  
寸厚四寸是謂內鎮宗后守之  
稱內鎮者標王鎮圭爲外鎮兼  
見鎮圭厚度鄭玄謂射其外鉏

牙英謂射者剡出之義不別平銳琮既象地射必方平無取

鉏牙也

大璋




玉人記云大璋亦如之諸侯以聘女文屬邊璋下鄭玄謂亦如巡守大璋之文而如邊璋七寸

射四寸之制非也此文當屬穀圭七寸天子以聘女下僞說在此亦如之亦如穀圭七寸鄭亦知諸侯聘女不得踰天子穀圭之長然既名大璋豈反又如邊璋曲爲是說出未覺其誤簡耳

玉人記云大璋中璋九寸邊璋七寸射四寸厚寸黃金勺青金外朱中鼻寸衡四寸有緹天子以巡守宗祝以前馬勺故


巡守大璋




書作約杜子春云當爲勺謂酒  
尊中勺鄭眾謂鼻爲勺龍頭鼻  
鄭玄謂鼻爲勺流謂凡流皆爲  
龍頭衡爲橫謂勺徑三璋皆如

圭瓚天子巡守有事山川用灌焉大山川用大璋中山川用  
中璋小山川用邊璋鄭眾以勺爲龍鼻鄭玄以爲流一也龍  
鼻亦齊口也但以衡爲徑非也蓋勺爲池中爲梁如璋面之  
平耳此亦瓚不名瓚用巡守降于圭故以璋書顧命云秉璋  
以酢假用焉耳今據記勺鼻衡爲圖不圖龍頭未知其據也  
玉人記云中璋九寸其射厚之度勺鼻衡之制文在邊璋下  
則大璋中璋同矣何以別中璋于大璋也大璋九寸不數鼻

巡守中璋



巡守邊璋




璋

九寸知邊璋短不及二寸其射厚勺外中鼻衡皆同大璋中

中璋並鼻數之鼻在剡末直數  
不足寸大璋九寸有奇中璋八  
寸有奇舉成數俱名九寸實大  
璋贏而中璋縮矣

玉人記云邊璋七寸蓋不連鼻  
數連鼻實七寸有奇亦舉成數  
題七寸以中璋長度近大璋題  
典瑞云祿圭有瓚以肆先王以祿賓客玉人記云祿圭尺有  
二寸有瓚以祀廟鄭眾謂圭頭爲器可以挹鬯祿謂之瓚引

圭 裸



詩瑟彼玉瓚黃流在中謂即瓚

圭鄭玄以爲行爵曰祿據漢禮

瓚槃大五升口徑八寸下有槃

口徑一尺英意瓚從贊加也贊從𡗗加于首者也瓚之加于

圭首猶之故曰有不以爲名猶廵守三璋之不異名也廵守

三璋言其制不言瓚祿圭言有瓚不言制爲互見文實則祿

圭亦黃金勾青金外赤中鼻寸衡四寸同三璋鄭眾不言龍

鼻鄭玄不言龍口意制同三璋不知記言三璋本不言龍形

今圖祿圭同三璋唯圭形完鼻在中不爲龍

典瑞云牙璋以起軍旅以治兵守玉人記云牙璋中璋七寸

射二寸厚寸以起軍旅以治兵守鄭眾以牙齒兵象故琢以




牙璋



之正名牙知非獨飾側也

發兵鄭玄謂有鉏牙之飾于側夫記云射二寸非瑑可知後鄭但言飾側其實上與兩旁皆有

軍旅  
兵守  
中璋




典瑞稱牙璋不及中璋玉人記並言中璋鄭玄以為先言牙璋有文飾夫記于二璋下總云七

寸射二寸厚寸更無差別安得謂牙璋獨有文飾耶意牙璋正名牙上與兩旁皆牙中璋但上牙故亦得共射二寸之文稱中發牙在上校兩旁為中也

典瑞云瑑圭璋璧琮繅皆二采一就以類聘玉人記云瑑圭


圭 瑑



瑑八寸璧琮八寸以類聘鄭眾  
謂瑑者有折鄂瑑起鄭玄謂文  
飾也瑑以聘后夫人以琮享之

大夫眾來曰類寡來曰聘說文云圭璧上起兆瑑也英謂瑑  
從彖彖豕行也豕行無正道蓋曲折如彖之引書然因刊刻  
爲之名

璋 瑑




玉人記瑑圭璋八寸與璧琮八  
寸分言蓋禮先聘而後享圭以  
聘諸侯璋以聘夫人聘玉故先


之璧以享諸侯琮以享夫人享玉故後之琮同圭

玉人記謂瑑璧琮八寸蓋享川璧琮故與圭瑑異文其實二

璧瑑



琮瑑




命瑑之義也記又云瑑琮八寸諸侯以享夫人皆據上公起

玉後享天子與后得用圭璋八寸類聘他諸侯享仍用璧琮亦不得降用琥璜也凡享玉降瑞玉使卿大夫類聘同瑑隨璧圖玉人記謂瑑璧琮八寸據天子享玉上言瑑圭璋八寸據天子聘玉蓋瑑者特爲類聘制非瑞玉上公用之則下瑞玉一等侯伯同其瑑則琮如璧璧如璋璋如圭皆爲象引文因方圓周之

例著諸侯伯享夫人得同子男瑑璧琮不過四寸可也

圖鄭象天博八寸厚寸




四圭有邸

面壹玉俱成又引或說四圭有邸有四角鄭玄無說蓋從先鄭其實非也爾雅釋言邸本也中央不可謂之本圭璧相合自有祀日月星辰之圭璧經不言璧邸亦不得謂邸爲璧至或說直誤邸爲射矣意邸爲圓玉博尺二寸厚寸上四方有圭完玉鑿之尺二寸應十二月四圭祀天虛中央以見所尊

天地之神虛其體也

兩圭有邸



典瑞云兩圭有邸以祀地旅四望玉人記云兩圭五寸有邸以祀地以旅四望鄭玄謂兩圭倂

而共邸夫倂外也相背之名兩圭相背義無取焉意玉邸方尺厚二寸平植兩圭一玉琢成兩圭偶五寸叶地數


圭璧



典瑞云圭璧以祀日月星辰玉人記云圭璧五寸以祀日月星辰鄭玄謂其邸爲璧取殺于上


帝記不言璧邸以圭方璧圓無可畸重但先圭後璧璧故在下耳圭璧合制象日月星辰神明異體亦一玉爲之

琮璧



玉人記云璧琮九寸諸侯以享  
 天子典瑞無文鄭玄謂享君以  
 璧夫人以琮離爲二物且屬侯  
 國相享之制記明言享天子不  
 言后又文屬祀日月星辰之圭璧下則璧琮爲一器也上璧  
 下琮以一玉九寸者爲之謂天子德合天地耳蓋據侯伯言  
 二王後用琮圭八寸享天子琮璋八寸享后尊者用特降其  
 度侯伯兼用璧琮加其度則八寸九寸隆殺有相補矣諸侯  
 相聘享仍用琮圭璋璧琮伯亦如之若子男享天子以琥享  
 后以璜蓋降瑞玉一等但四寸矣然則諸侯享后蓋特琮九  
 寸與

射瑯瑯



典瑞云瑯瑯射以祀山川以造  
贈賓客玉人記云瑯瑯射素功  
以祀山川以致稍餽鄭眾云素  
功無瑯瑯鄭玄謂瑯瑯有瑯而射取殺于四望英謂先聖制器  
皆有等差圭璧特圭也兩圭有瑯偶圭也四圭有瑯盈且備  
矣惟無三圭特爲此制實三瑯矣瑯殺矣何以不平植惟其  
降故不敢俱植上一瑯而下瑯平出兩端皆殺爲半圭用是  
名也正名瑯知實瑯言瑯知有瑯言射知非別爲剡文卽瑯  
射故曰猶三瑯也何以不制三圭有瑯于祀禮不合也兩圭  
祀地不可以三圭祀山川也何以言素功也圭璧兩圭四圭  
與瑯瑯射禮意同要言之皆素功標其別于諸瑯玉


璧度



英謂羨長也蓋楯長尺橫五寸好三寸邊各寸以爲量

典瑞云璧羨以起度玉人記云  
璧羨度尺好三寸以爲度鄭眾  
云羨徑也鄭玄謂羨不圜之貌

琮駟子天



玉人記云駟琮七寸鼻寸有半  
寸天子以爲權鄭眾云以爲權  
故有鼻蓋稱物必以權繩之鼻  
所以穿組繫衡者琮之上方長



出半寸爲之駟鈕也刊鑿之名權琮刊鼻爲孔因曰駟天子  
同律度量衡故權必爲之制

玉人記云駟琮五寸宗后以爲權蓋后有市不常用王權故



宗后琮

駟渠眉圭




制五寸既減二寸鼻不  
得同王權之鼻當減半  
寸


典瑞云駟圭璋璧琮琥璜之渠  
眉疏璧琮以斂尸鄭玄云于大  
斂加之駟讀爲組渠眉玉飾之  
溝瑑也以組穿聯六玉溝瑑之  
中以斂尸圭在左璋在首琥在右璜在足璧在背琮在腹取  
象方明神之也疏璧琮者通于天地言斂法與疏璧琮是已  
讀駟爲組以溝瑑訓渠眉義未哲也此言凶玉之斂尸異于  
生人禮玉之制組必制成而後加之未言制乃卽以組名乎

英謂駟鈕也刊治之猶駟琮也渠者中掘直道如渠異于生時之中必眉者近首處掘為橫道亦反于必斂時由下渠繫上橫繫于眉堅約于衣則免移壁矣

駟渠眉瑋



駟渠眉疏壁




據典瑞文亦以斂尸鄭玄云瑋在首其渠亦當中眉值剡端駟之如駟圭法


據典瑞云所以斂尸鄭玄云壁在背蓋壁眉在好上好兩旁各為一渠好下疏之渠旁疏之經云駟圭瑋壁琮琥璜之渠眉復言疏壁琮者前以皆有渠眉要言之後因壁琮當疏特言之

非謂駟渠眉六玉外又有疏璧琮也駟法如璋疏者刻好通


琮疏眉渠駟



琥眉渠駟



璜眉渠駟



之


據典瑞云所以斂尸鄭玄謂琮在腹琮眉在上三方下渠正中渠旁疏之駟法疏法皆如璧

據典瑞云所以斂尸鄭玄謂琥在右鄭故解琥爲虎嫌其失義蓋半琮也眉亦如琮在上三方下中爲渠駟如琮

據典瑞云所以斂尸鄭玄謂璜在足璜眉在半好上渠在肉好

間駟如琥

玉飯



典瑞云大喪共飯玉含玉贈玉  
玉人記無文然送死之制宜有  
別也鄭玄謂飯玉以襍米非也  
天子諸侯飯用玉則不用米蓋  
碎玉如米以實尸口既有飯道又異生人亦可以玉氣養尸  
檀弓記云飯用米貝襍記云天子飯九貝諸侯七大夫五士  
三大夫士不用玉貝且少故實米耳

玉含



左含




右含

典瑞云大喪共含玉鄭玄謂柱  
左右鱗及在口中者引襍記含  
者執璧將命則是璧而小耳鄭

意欲以璧含而璧形圓知齟不能盡含故又云及口中夫口中  
中有飯玉矣加璧焉尸口張而不翕非子心所忍也引襟記  
而訓義乃垂豈有將命所執之物必與禮器同形者乎意飯  
玉實口當舌含玉當左右齧形曲若抱兩端圓而不銳左屈  
鄉右右屈鄉左故名含以見法

贈玉



典瑞云大喪共贈玉贈送也以  
送死名鄭玄謂贈玉蓋璧謂贈  
有束帛六幣璧以帛夫含既謂  
爲璧矣贈又用璧何爲謂贈有束帛蓋據士喪然士喪柩至  
邦門公使贈玄纁束窆後稱贈用制幣玄纁束者皆非爲贈  
玉施也謂天子諸侯有贈玉加棺可耳其實加圭璧于棺外

無謂也意贈玉爲送死之玉亦加于身以斂焉飯含有玉矣  
贈玉必以實空竅者也耳鼻臍陰皆可實之示不空歸卽以  
養尸體耳制蓋面圓如蓋其下象竅形爲塞然則士喪當耳  
何以用纁瑱也曰士卑矣

玉皆有纁春官典瑞云大圭鎮圭纁藉五采玉就鄭眾云就  
帀也一帀爲一就鄭玄云纁有五采文所以薦玉就成也蓋  
五色相間織之一色爲一就耳玉人記言冒不言纁蓋有纁  
亦必五采玉就典瑞云桓圭信圭躬圭纁皆三采三就秋官  
大行人云桓圭纁藉九寸蓋纁度依玉度則天子大圭之纁  
三尺鎮圭纁尺二寸冒纁四寸也又云信圭纁藉七寸躬圭  
如之典瑞云穀璧蒲璧纁皆二采再就大行人云穀璧纁藉

五寸蒲璧如之皆其玉度也蒼璧黃琮青圭赤璋白琥玄璜  
大宗伯不言纁亦必以其度爲之纁蓋亦五采五就周官不  
言珠玉笏常執之物或不必纁殆以巾覆之玉人記云琬圭  
九寸而纁則穀圭琰圭土圭同爲使治諸侯之器則皆  
纁蓋三采三就矣玉人記大琮不言纁但宗后所守之內鎮  
必有纁如王鎮圭之纁大璋亦不言纁然諸侯聘女當有文  
焉降其瑞纁蓋二采二就與巡守之大璋中璋邊璋約云有  
纁知皆纁殆亦五采五就裸圭則典瑞與玉人記俱不言纁  
然巡守三璋猶纁裸圭守器必纁纁必五采五就矣牙璋爲  
使節與穀琬琰珍土五圭同纁與同亦義也中璋固有纁制  
義與牙璋同自當同牙璋如五圭之纁典瑞云璽圭璋璧琮

纁皆二采一就則當尊卑同纁其四圭兩圭圭璧琮瑋邸射皆重器典瑞玉人記雖不言纁義固當纁四圭兩圭圭璧當五采五就璧琮瑋邸射其三采三就乎至度璧兩駟琮及駟渠眉疏六玉飯含贈三玉執時不以爲儀則未必纁或典瑞裹以緇帛藏之用時奉以出致慎焉可無爲之文耳

傅守中校勘

弟子羅紹驥繪圖

王用賓

再校

壽櫟廬第三子吳鉗



儀禮與固禮器圖第三終